

Árþing Ungmenna- og íþróttasambands Fjallabyggðar var haldið fimmtudaginn 10. maí 2012 í Vallarhúsinu, Ólafsfirði og hófst það kl. 18:00.

Dagskráin þingsins er eftirfarandi, sbr. 13. gr. laga UÍF:

1. Formaður UÍF setur þingið.
2. Kosning þingforseta og þingritara.
3. Kosning 3ja manna kjörbréfanefndar.
4. Álit kjörbréfanefndar.
5. Lögð fram árskýrsla stjórnar svo og skoðaðir reikningar seinasta árs.
6. Umræður um ársskýrslu stjórnar og reikninga. Reikningar lagðir fram til samþykktar.
7. Ávörp gesta.
8. Kosning þingnefnda: kjörnefnd (3), allsherjar- og laganefnd (5) og fjárhagsnefnd (3)
9. Stjórnin leggur fram fjárhagsáætlun fyrir næsta ár.
10. Tillögur og önnur mál sem borist hafa til stjórnar lagðar fram og vísað til nefnda.
11. Lagðar fram og teknar til umræðu tillögur um breytingar á lögum og reglugerðum.

ÞINGHLÉ

12. Álit nefnda, umræður og atkvæðagreiðsla.
13. Kosningar. Álit kjörnefndar
14. Kosning stjórnar, sbr. 16. grein. Skal formaður kosinn sér, en hina í einu lagi. Stjórnin skiptir með sér verkum, í þau störf er um getur í 16. grein.
15. Kosning skoðunarmanna, (tveir aðalmenn og tveir varamenn).
16. Önnur mál.
17. Þingslit.

Þingögn samanstóðu af skýrslu og ársreikningi UÍF, lögum UÍF, tillögum að lagabreytingum, reglum um Verkefnasjóð, reglum um val á íþróttamanni Fjallabyggðar auk ársskýrslna og ársreikningum frá aðildarfélögum UÍF.

Fundargerð

1. Formaður UÍF, Guðný Helgadóttir setti þingið; og bauð alla velkomna. Hún bauð Viðar Sigurjónsson frá ÍSÍ, Baldur Daníelsson í varastjórn UMFÍ og Nönnu Árnadóttur formann frístundanefndar sérstaklega velkomin. Guðný fagnaði því hversu vel var mætt á þingið. Hún minntist látinna félagu úr íþróttahreyfingunni þeirra Jóns Hauks Njálssonar og Elvu Ýrar Óskarsdóttur en þau létust á árinu. Fundargestir stóðu

upp og minntust þeirra. Guðný fór í stuttu máli yfir störf stjórnar, hvaða verkefni væru framundan og hverju væri lokið. Hún fór yfir þau stóru mál sem stjórnin hefur unnið að og lokið, einnig hvaða mál verða lögð fyrir þingið og óskði hún þess að þingið verði málefnalegt og gagnlegt.

2. Kosning þingforseta og þingritara.

Stungið var upp á Gísla Rúnari Gylfasyni sem þingforseta og Brynju Ingunni Hafsteinsdóttur sem þingrita. Það var samþykkt einróma.

Þingforseti tók þá til máls, þakkaði traustið og bauð gesti velkomna.

3. Kosning 3ja manna kjörbréfanefndar.

Stungið var upp á Maríu Jóhannsdóttur TBS og að með henni í nefndinni yrðu Þórarinn Hannesson Glóa og Rósa Jónsdóttur frá GÓ.

Það var samþykkt einróma.

4. Álit kjörbréfanefndar.

Á meðan kjörbréfanefnd fór yfir kjörbréfin kynnti þingið sér gögn þingsins.

Þá kynnti Þórarinn formaður kjörbréfanefndar álit sitt.

Af 39 skráðum fulltrúum samkvæmt kjörbréfum voru 29 mættir. Kjörbréfnefndin sá ekkert athugasemjakerfi við kjörbréfin og telur þau gild.

5. Lögð fram ársskýrsla stjórnar og skoðaðir reikningar síðasta árs.

Guðný formaður UÍF las upp skýrslu stjórnar. Guðný fór yfir hverjir sitja í stjórn og hverjir eru varamenn. Hún þakkaði þeim stjórnarmönnum sem hættu á árinu fyrir störf þeirra. Fundir stjórnar voru 23 og síðan voru haldnir vinnufundir. Fulltrúar stjórnar mættu á fundi hjá UMFÍ, ÍSÍ ofl. Hún hvatti aðildarfélögin til að takia þátt í þeim fundum sem standi þeim til boða.

Guðný kvað stjórn UÍF hafa veitt Fjallabyggð umsagnir í nokkrum málum þar sem eftir því var leitað. Tvær umsóknir bárust í Verkefnasjóð UÍF frá Skíðafélagi Ólafsfjarðar og Snerpu og var félögunum úthlutað styrkjum. Ekki hefur enn fengið svar frá Sparisjóðum bæjarfélagsins um hvort að þeir vilji styrkja sjóðinn.

Í máli Guðnýjar kom einnig fram að vinnufundir voru haldnir með aðildarfélögunum og voru þeir fundir mjög gagnlegir og er fyrirhugað að halda slíka fundi árlega. Formannafundir voru haldnir tvisvar sinnum á árinu og voru þeir fundir vel sóttir.

Íþróttamaður Fjallabyggðar var valin í fyrsta sinn og var Sævar Birgisson hjá SÓ valin íþróttamaður ársins. Að valinu stóð UÍF og Kiwanisklúbburinn Skjöldur Siglufirði.

Vetrarleikar voru haldnir í fyrsta sinn í mars og tókust þeir eintaklega vel og var öllum hlutaðeigandi þökkuð góða störf.

Guðny fór yfir málefni Aladíns og að ákveðið hafi verið að óska eftir viðræðum við Fjallabyggð um yfirtöku lána og öðrum skuldum hlutafélagsins. Gekk það allt eftir og er Fjallabyggð nú eigandi hússins. UÍF og aðildarfélög hafa áfram aðgang að húsinu.

Nýting Hóls hefur aukist á undanförunum árum. Farið var í endurbætur á húsinu eftir tjón sem varð í búningsklefum. GKS óskaði eftir afnotum af hæðinni gegn endurbótum og efni og var fallist á það. Afnotasamningur verður síðan gerður við GKS.

Farið yfir góð skýrsluskil í Felix og var þakkað fyrir það. Flest félög skiluðu á réttum tíma en önnur óskaði eftir fresti. Guðný dreifði einnig tölulegum upplýsingum úr Felix um aðildarfélögin.

Að lokum þakkaði Guðný aðildarfélögunum fyrir gott samstarf svo og öllum félagsmönnum og voru lokaorð hennar: Að hlúa þarf að allri starfsemi bæði af hálfu stjórnna félaganna, foreldra, iðkenda og samfélagsins alls.

Sigurður Gunnarsson gjaldkeri UÍF gerði grein fyrir ársreikningi UÍF

Rekstrartekjur UÍF voru: 19.164.744 kr.

Rekstrargjöld voru: 20.036.366 kr.

Fjármunatekjur voru: 11.292 kr.

Tap ársins var: - 860.330 kr.

Varanlegir rekstrarfjármunir voru: 38.364.992 kr.

Veltufjármunir voru: 3.733.945 kr.

Eigið fé var: 41.235.609 kr.

Skammtímaskuldir voru: 863.328 kr.

Eigið fé var: 42.098.937 kr.

6. Umræður um ársskýrslu og reikninga fóru fram og voru svo lagðir fram til samþykktar.

Forseti gaf orðið laust um reikninga og skýrslu UÍF. Ármann spurði um skiptingu úr rafmagnkyndingu í hitaveitu. Guðný svaraði því að vatnið væri svo lengi að hitna og því hafi verið ákveðið að fjölga ofnum til að auka rennslið. Með nýjum starfænum mælum var meiri eftirfylgni af hálfu UÍF og ofnum fjölgað veruleg. Vatnshitinn hefur því hækkað aðeins, verið er í samvinnu við RARIK að leita lausna á vandamálinu.

Guðrún Árnadóttir bætti við umræðnum um hitavitumálið en það hafi hafist í hennar tíð.

Enginn annar bað um orðið og voru ársreikningur UÍF lagðir fram til samþykktar. Var hann samþykktur með öllum greiddum atkvæðum.

7. Ávörp gesta.

Baldur Daníelsson í varastjórn UMFÍ tók til máls. Hann sagði frá forföllum Helgu Guðrúnar og að hann hefði komið í hennar stað. Hún sendir kærar kveðjur. Hann fór yfir minningar sínar frá Siglufirði og Ólafsfirði. Hann sagði frá því sem helst er á döfinni hjá UMFÍ. Það eru helst Landsmótin og hvatti hann alla til þátttöku í þeim. Hann vakti athygli á tómsundabúðum í Laugum í Sælingsdal en hann hefur farið þangað í sex eða sjö skipti. Starfið þar sé uppeldislega og félagslega mótandi. Krakkarnir hvetja hvort annað til dáða og bannað er að kalla skammaryrði til keppenda en fyrir það fá þau mínusstig. Veruleg umskipti urðu í stjórn UMFÍ á síðustu þingi og mætir varastjórn líka á alla fundi. Stefnumótunarvinna er að hefjast og þarf að taka á tengingum UMFÍ við starfsemi í landinu. Hann hrósaði UÍF fyrir árangurinn í Felix svo og að fulltrúi UÍF sé í umferðaröryggisnefnd bæjarins. Val á íþróttamanni Fjallabyggðar taldi hann einnig vera til fyrirmyndar. Hann þakkaði fyrir að fá að sitja fundinn.

Viðar Sigurjónsson frá ÍSÍ tók svo til máls. Hann fluttu kveðjur forseta og framkvæmdastjórnar ÍSÍ. Hann benti á skrifstofu sína á Akureyri og hvatti alla til að koma þar við. Hann fór yfir þau mál sem hann ætlar að ræða betur síðar á fundinum. Hann flutti vísu: Hitaveitan heldur köld,

hönd og fótur dofinn,

jafnt þó líði ár og öld,

aldrei hitnar kofinn.

8. Kosning þingnefnda.

Forseti óskaði eftir tillögum um þrjá aðila í kjörnefnd. Lagt er til að Brynja Harðarson KF, Kristján Hauksson SÓ og Þorvaldur Hreinsson Gnýfara taki sér nefndarstörf og var það samþykkt samhljóða.

9. Stjórnin leggur fram fjárhagsáætlun fyrir næsta ár.

Sigurður Gunnarsson gjaldkeri kynnti fjárhagsáætlunina og fór yfir hana lið fyrir lið. Tekjur verða alls 15.210.000 kr. og gjöld verða samtals 16.221.895 kr. Tekjuafgangur kr. 48.105.

10. Tillögur og önnur máls sem borist hafa til stjórnar.

Engar tillögur bárust til stjórnar.

11. Lagðar fram og teknar til umræðu tillögur um breytingar á lögum og reglugerðum.

Tillögur að lagabreytingum voru kynntar aðildarfélögum með tölvupósti.

Samþykkt var að bera lögina upp í heild sinni.

16. gr. þar var setti inn breytingartillaga og var hún samþykkt svo og greinin í heild og var hún samþykkt samhljóða.

Lögin eins og þau munu líta út eftir breytingar voru borin undir atkvæði og voru þau samþykkt með öllum greiddum atkvæðum.

Þinghlé. Í þinghlé voru veitingar í umsjón KF.

12. Álit nefnda, umræður og atkvæðagreiðsla.

Þar sem engin nefnd var að störfum þá var ákveðið að atkvæðagreiðsla um lagabreytingar yrði tekin undir 11. lið.

13. Kosningar, álit kjörnefndar

Þeir sem voru í framboði til stjórnarkjörs kynntu sig. Kosið var eftir nýsamþykktum lögum UÍF Kjósið var um tvo aðalmenn og tvo til vara. Merkt var við fjóra einstaklinga á kjörseðli. Þá voru greidd atkvæði og kjörnefnd tók til starfa.

Á meðan kjörnefnd taldi atkvæðin flutti Viðar Sigurjónsson erindi um börn í íþróttum og þátttöku foreldra svo og um Fyrirmyndarfélög ÍSÍ.

ÞÁTTTAKA FORELDRA:

Foreldrar hafa margvíslegt hlutverk og hægt að sinna því hlutverki á ýmsan veg. Ákveðnar leiðir og aðferðir sem við vinnum út frá. Foreldrar þurfa að þekkja stefnur íþróttafélaganna sem þeir vinna fyrir. Félagið býr til vinnureglur fyrir ráð þannig að foreldrar viti hvað þeir eiga að gera og hvaða þættir íþróttafélagið vill að ráðið vinni að. Ráðið á ekki að ákveða það sjálft til að fyrirbyggja árekstra milli ráðs og íþróttafélags, t.d. sókn í styrki. Þá vita foreldrar nákvæmlega hvað er ætlast til af þeim og minni hætta á að foreldrar brenni út vegna of mikils álags.

10 mikilvægir þættir í íþróttum barna: Hafa í huga að foreldrar veita ákveðið aðhald í starfi íþróttafélaga.

1. að framboð íþróttagreina höfði til allra og börn finni sig í þeirri grein þar sem þau finna sig best. Yngstu börnin ættu að fara í sem flestar greinar og síðan velja þau

10-12 ára sína grein á eigin forsendum, þekkingu og vilja. Erfitt að fara í aðra íþróttagrein þegar þú ert 14-15 ára gamall sem viðkomandi hefur ekkert stundað.

2. Íþróttir eru vinsælasta frítímaaval barna. Vanda þarf til verks. Börn sex til tólf ára ætlast til fleiri þátta en bara að æfa og keppa. Skipuleggja starfið með hliðsjón af þörfum barna. Foreldrar geta komið þar inn.
3. Félagslega hliðin þarf ekki að vera svo dýr, t.d. fjöruferð, ferðalög með félaginu. Fara í aðra íþróttagrein en verið er að æfa.
4. Börn eru eins mismunandi og þau eru mörg. Íþróttþjálfarinn þarf að vera meðvitaður um það og foreldrar verða að gera þá kröfu til íþróttþjálfarans.
5. Gæta þarf að stærð íþróttasvæða fyrir mismunandi aldur barna. Þarf að vera við hæfi.
6. Þjálfun hæfi þroska iðkenda. Hæfni þjálfara.
7. Velmenntaðir þjálfarar eru betri þjálfara. Eru miklir áhrifavaldar hjá börnunum.
8. Börn þurfa að tjá sig og það þarf að hluta á þau. Gera þá kröfu á foreldra.
9. Skapa foreldrum möguleika á virkri þátttöku.
10. Möguleiki til íþróttaiðkunar sé sem víðast, ekki bara í skíðabrautinni heldur líka utan hefðbundinna æfinga. Koma á fjölpættum íþróttaskóla eftir skóla þegar foreldrar koma heim. Eitt gjald og fá aðgengi að sem flestum greinum. Meiri líkur að svona fyrirkomulag stuðli að börn verði íþróttaiðkendur fyrir lífstíð.

Tveir hópar iðkenda, þ.e. þeir sem ætla að verða heimsmeistarar og hinir sem ætla að vera með, vera í félagsskapnum, lífstíll og vinir. Skapa báðum hópum aðstöðu að ná sínum árangri. Seinni hópurinn skapar hópinn.

Stefna ÍSÍ gengur út á að þjónusta báða hópana jafnt.

Einkenni góðra barnaíþróttar; almenn þátttaka, fyrstu kynni séu jákvæð, séu ángæð og líði vel, fjölbreytni, æfingar séu leikrænar og skemmtilegar, viðfangsefni í samræmi við þroska og aldur og þarfir barnanna. Börnin taki framförum bæði í greininni og þroska, veita gott uppeldi, íþróttaskólar.

Keppni er meira milli liða með þátttöku allra, minna milli einstaklinga. Ekki að keppa í smækkaðri útgáfu fullorðinna. Þjálfun miðast við framfarir í færni og þroska ekki árangri í næstu keppni. Þessi hvatning felst ekki síst í þátttöku foreldranna í íþróttastarfinu. Hitta önnur börn og að þau séu í öruggum höndum. Það veltur á hæfni þjálfara og menntun hans en ÍSÍ gerir þar strangar kröfur. Íþróttafélög eiga að gera kröfur á sína þjálfara.

Hvað geta foreldrar gert, spyrja rétttra spurninga, fylgjast með æfingum, virða þjálfarahlutverkið, taka þátt í starfi félagsins (foreldrarráð), vera í góðu sambandi við félag, þjálfara, mæta á keppni, hvetja rétt þ.e. sameiginlegum hagsmunum liðsins ef lið að keppa og veita aðhald faglega og á réttan hátt. Spyrja hvort að það hafi verið gaman á æfingu en ekki hvort viðkomandi hafi skorað eða árangur. Ef ekki gaman þá að kryfja það betur. Börnum finnst gott að fá spurningar og finna að það sé áhugi. Virða æfingatíma barnsins og keppni en börnin koma og fara og þau verða að fá að vera börn, fjölskyldan kemur fyrst. Ræða við aðra foreldra og fá skoðanir þeirra á því sem er í gangi. Ræða heima um iðkun barnsins og gera raunhæfar væntingar til barnsins. Meta á réttan hátt ekki bara íþróttalega getu heldur líka hvernig gengur uppeldislega og félagslega. Foreldrar kynna sér þjálfaramenntun.

FYRIRMYNDARFÉLAG:

Af hverju er það eftirsóknarvert. Félög sem hafa verið Fyrirmyndarfélag í fjögur ár hafa í 98% tilfella sótt um viðurkenninguna aftur. Sumstaðar er fjárhagslegur ávinningur af viðurkenningunni og sveitarfélög hafa styrkt slík félög, þ.e. bara við að fá viðurkenninguna og síðan fyrir að halda henni. Árborg og Mosfellsbær hafa styrkt en t.d. ekki Reykjavík. Farið var yfir gátlista gæðaverkefnis um það sem félög þurfa að uppfylla. Vinna í samræmi við stefnuyfirlýsingu ÍSÍ um barna og unglingsáþróttir.

Margt af þessum gátlista má finna á heimasíðum þeirra félaga sem hafa hlotið viðurkenninguna. Félög hafa tekið vel í beiðni annara félaga um að skoða handbækur þeirra. Að gerast fyrirmyndarfélag ÍSÍ tekur ekki langan tíma. Viðar er tilbúin að aðstoða eins og hægt er.

Nokkrar umræður spunnust um heildstæðan skóladag barna þar sem íþróttaskóli tekur við að skóla loknum og var bent á Ísafjörð, Borgarnes og Lauga.

14. kosning stjórnar, sbr 16. grein laga UÍF

Atkvæði í stjórn UÍF voru eftirfarandi:

Sigurður Gunnarsson með 27 atkvæði

Sigurpáll Gunnarsson með 26 atkvæði

Júlía Gunnlaugsdóttir Poulsen með 24 atkvæði

Guðlaugur Magnús Ingason með 22 atkvæði

Þórarinn Hannesson 4 atkvæði

Ásgeir H. Bjarnason með 3 atkvæði

Grétar Björnsson 1 atkvæði

Réttkjörnir aðalmenn eru því Sigurður Gunnarsson og Sigurpáll Gunnarsson. Varamenn eru 1. Júlía Gunnlaugsdóttir Paulsen, 2. Guðlaugur M. Ingason.

Kosning formanns; Guðný Helgadóttur formanns UÍF gaf kost á sér aftur og var hún kosin einróma og telst rétt kjörinn formaður.

15. Kosning skoðunarmanna.

Lögð er fram tillaga um Kristján Hauksson og Þórarinn Hannesson. Það er samþykkt samhljóða. Varamenn voru ekki tilnefndir.

16. Önnur mál

Ályktanir ársþings UÍF: tvær ályktanir liggja fyrir þinginu. Annars vegar um fyrirmyndarfélag ÍSÍ og hins vegar um samgöngumál milli byggðakjarnanna.

Guðný tilkynnti að héraðssambandið muni leggja 500. 000kr. í ár og kr. 200.000.- á næstu tveimur árum í það að vinna að félögin verða Fyrirmyndarfélög fyrir árslok 2015 og hvatti hún félögin til að stefna að þessu. Ályktunin um fyrirmyndarfélög var samþykkt með 25 atkvæðum, þrjár sátu hjá og telst ályktunin því samþykkt.

Guðný fjallaði um ástæðu þess að ályktun um samgöngumál var lögð fram en það kom fram á formannafudni með aðildarfélagunum að þetta torveldaði iðkendum að stunda sínar íþróttir svo og mögulega sameiningu íþróttafélaga. Ályktunin var borin upp og samþykkt með öllum greiddum atkvæðum.

Viðar fagnaði því að ályktunin um fyrirmyndarfélag var samþykkt og hvatti félögin til að leita til sín. Hann mun aðstoða félögin í hvívetna. Hann flutti eina vísu er hann tengdi lagabreytingunum:

Í Fjallabyggð er feikna líf

finnst þar mikill ógnarkraftur

en stjórnin heldur stíf

og stefnir á fyrsta þing aftur.

Baldur þakkaði fyrir sig og hlakkaði til þess að sjá Vetrarleikana vaxa og dafna. Vakti athygli á fræðslu og verkefnasjóði UMFÍ en úthlutað er úr honum vor og haust og þar er hægt að sækja fjármagn í þann sjóð. Hvatti félögin til að sækja þangað. Hvatti félögin einnig til að hafa samband við þjónustumiðstöð UMFÍ í Reykjavík.

Gísli þakkaði fyrir frábært þing og fyrir traustið.

Guðný þakkaði Viðari fyrir sitt erindi. Benti á að þetta er fyrsta þingið sem haldið er eftir að knattspyrnufélögin sameinuðust og því eru færri fulltrúar. Guðný velti upp hvernig

hægt væri að auka fagmennsku í félögunum og er fyrirmyndarfélag leið til þess. Íþróttafélögin verða að standa undir þeim kröfum sem lagðar eru á félögin. Gerð er krafa til sveitarfélaga um fjárstuðing svo og aðgang að mannvirkja og að sama skapi verður íþróttahreyfingin að standa undir þeim kröfum og væntingum sem samfélagið gerir til þeirra. Fyrirmyndarfélag er leið til að sýna það í verki.

Guðný fór yfir þau störf sem vinna þarf að til hagsbóta fyrir íþróttahreyfinguna og samfélagið og UÍF hefur unnið að.

Guðný þakkaði KF fyrir frábærar veitingar svo og gestum fyrir komuna og hlý orð til UÍF. Þingfulltrúum þakkað hún fyrir gott þing svo og fráfarandi stjórnarfulltrúum og nýjum varamönnum fyrir ánægjulegt samstarf á liðnum árum.

Öðru ársþingi UÍF var slitið kl. 21:35.

Þingfulltrúar:

Golfklúbbur Siglufjarðar: Ólafur Kárason og Ingvar Hreinsson

Hestamannafélagið Glæsir: Kristín Úlfsdóttir

Tennis- og badmintonfélag Siglufjarðar: María Jóhannsdóttir og Sigurður Steingrímsson

Skotfélag Ólafsfjarðar: Ingimundur Loftsson

Skíðafélag Ólafsfjarðar: Kristján Hauksson, Sigurpáll Gunnarsson, Daniel Víkingsson og Jón Valgeir Baldursson

Ungmennafélagið Glói: Þórarinn Hannesson og Margrét Einarsdóttir

Íþróttafélagið Snerpa: Guðrún Árnadóttir og Þórey Guðjónsdóttir

Skíðafélag Siglufjarðar Skíðaborg: Brynja Ingunn Hafsteinsdóttir

Golfklúbbur Ólafsfjarðar: Sigurður Gunnarsson og Rósa Jónssdóttir

KF: Dagný Finnsdóttir, Þorvaldur Sveinn, Brynjar Harðarson, Valdís M. Stefánsdóttir, Grétar Guðfinnsson, Júlía Poulsen, Ragnar Kr. Ingimarsson

Vélsleðaklúbbur Ólafsfjarðar: Ármann V. Sigurðsson og Ásgeir Frímansson.

Hestamannafélagið Gnýfari: Guðlaugur M. Ingason og Þorvaldur Hreinsson

